

DFF - თეგეტა მოტორსი

მდებარეობა:	საქართველო
პროექტის ნომერი:	56375
ბიზნეს სექტორი:	საცალო ვაჭრობა
შეტყობინების ტიპი:	კერძო
გარემოს დაცვის კატეგორია:	B
დამტკიცების თარიღი:	21 ოქტომბერი 2025
სტატუსი:	ხელმოწერილია

პროექტის აღწერა

25 მილიონი ევროს ოდენობის უზრუნველყოფილი სესხი „თეგეტა მოტორსისთვის“ („სესხი“).

პროექტის მიზნები

აღნიშნული დაფინანსება მოხმარდება თბილისის საბაჟო ზონის მიმდებარედ ახალი სერვისცენტრის მშენებლობას, სადაც სატვირთო მანქანებისა და მძიმე ტექნიკის მომსახურება იქნება შესაძლებელი.

მოსალოდნელი გარდაქმნის ეფექტი

ETI ქულა: 65

კარგად მართული: „თეგეტა მოტორსი“ ბანკის მხარდაჭერით განახორციელებს კორპორატიული მმართველობის ყოვლისმომცველ სამოქმედო გეგმას („CGAP“), რომლის მიზანია გამჭვირვალობის, საბჭოს ქმედითობის, შიდა კონტროლისა და საუკეთესო საერთაშორისო პრაქტიკასთან შესაბამისობის გაზრდა.

ინკლუზიური: პროექტის მიზანია საავტომობილო სექტორში პროფესიული უნარების განვითარება. „თეგეტა აკადემია“ უზრუნველყოფს მძიმე ტექნიკის მექანიკოსებისა და ოპერატორების გადამზადებას, რაც დაეხმარება ინდუსტრიას მზარდი მოთხოვნის დაკმაყოფილებასა და არსებული კადრების დეფიციტის აღმოფხვრაში.

ინფორმაცია კლიენტის შესახებ

შპს თეგეტა მოტორსი

კლიენტი: შპს თეგეტა მოტორსი

EBRD-ის დაფინანსების მოცულობა

25,000,000.00 ევრო.

პროექტის მთლიანი ღირებულება

31,800,000.00 ევრო.

დამატებითობა

პროექტის ფარგლებში EBRD-ის ჩართულობა გულისხმობს როგორც პროექტზე მორგებულ, გრძელვადიან და შედარებით დიდი მოცულობის ფინანსურ მხარდაჭერას, ისე ტექნიკურ თანამშრომლობას, რაც „თეგეტა მოტორსის“ კორპორატიული მმართველობის გაუმჯობესებას ისახავს მიზნად.

გარემოს დაცვისა და სოციალური საკითხები

პროექტი კატეგორიზებულია, როგორც B კატეგორიის (ESP 2024). მძიმე ტექნიკის რეგიონული ჰაზის მშენებლობასთან დაკავშირებული გარემოსდაცვითი და სოციალური (E&S) რისკები მეტწილად ლოკალური ხასიათისაა და მათი მართვა საერთაშორისო პრაქტიკის შესაბამისი ღონისძიებებითაა შესაძლებელი. გარემოსდაცვითი და სოციალური შესაბამისობის კვლევა (ESDD) ჩატარდა შიდა რესურსებით, კითხვარებისა და კომპანიის დოკუმენტაციის განხილვის საფუძველზე.

კვლევამ (ESDD) დაადასტურა, რომ კომპანიას გააჩნია სათანადო რესურსი და E&S რისკების მართვის კულტურა, რაც დასტურდება Global Reporting Initiative-ის (GRI) სტანდარტების შესაბამისი საჯარო ანგარიშგებით. გარემოსდაცვითი და სოციალური მართვის სისტემა სერტიფიცირებულია ISO სტანდარტებით გარემოს დაცვის, ხარისხის, შრომის უსაფრთხოებისა და ჯანმრთელობის მართვის მიმართულებით, რაც მოიცავს შესაბამის კონტროლის მექანიზმებსა და გეგმებს. საერთაშორისო ინიციატივებში (UN Global Compact) მონაწილეობით შემუშავებულია კომპანიის საქმიანობაზე მორგებული მდგრადი განვითარების სტრატეგია. ასევე, კომპანია ეწევა კორპორატიულ სოციალურ პასუხისმგებლობასთან დაკავშირებულ აქტივობებს, მათ შორის, ყოველწლიურად მონაწილეობს გაეროს საგზაო უსაფრთხოების კვირეულში. ადამიანური რესურსების მართვა სრულად შეესაბამება EBRD-ის მე-2 გარემოსდაცვით და სოციალურ მოთხოვნას (E&S Requirement 2).

პროექტით გათვალისწინებული კაპიტალური დანახარჯები არ ხორციელდება დაცულ ტერიტორიებზე და არ გამოვლენილა ზემოქმედება სენსიტიურ რეცეპტორებზე. არ იგეგმება ფიზიკური ან ეკონომიკური განსახლება. ობიექტის მშენებლობასა და ექსპლუატაციასთან

დაკავშირებული E&S რისკების მართვა გათვალისწინებულია გარემოსდაცვითი და სოციალური ქმედებათა გეგმით (ESAP), რომელიც კომპანიასთან შეთანხმდება. ტექნიკურ მომსახურებასთან დაკავშირებული საოპერაციო რისკები ასევე ასახულია ESAP-ის ვალდებულებებში.

პროექტის ზედამხედველობას ბანკი ყოველწლიური გარემოსდაცვითი და სოციალური ანგარიშების საფუძველზე უზრუნველყოფს. ამასთან, საჭიროების შემთხვევაში, ბანკი ადგილზე ვიზიტებსაც განახორციელებს.

გარემოსდაცვითი შეფასებები

პროექტი შეესაბამება პარიზის შეთანხმების კლიმატის ცვლილების შერბილებისა და ადაპტაციის მიზნებს, ვინაიდან, მოსალოდნელია, რომ შენობა დააკმაყოფილებს ენერგოეფექტურობის მინიმალურ სტანდარტებს. პროექტთან დაკავშირებული არსებითი ფიზიკური კლიმატური რისკები გამოვლენილი არ არის. „მწვანე დაფინანსების“ წილი შეადგენს 0%-ს

ტექნიკური თანამშრომლობა და მოზიდული საგრანტო რესურსები

ტექნიკური თანამშრომლობის კომპონენტებია: (i) იურიდიული შესაბამისობის კვლევა (Legal Due Diligence), დაფინანსებული JECF-ის მიერ (75,000 ევრო); (ii) კორპორატიული მმართველობის ყოვლისმომცველი სამოქმედო გეგმის (CGAP) იმპლემენტაციის მხარდაჭერა, დაფინანსებული SSF-ის მიერ (125,000 ევრო); (iii) საქართველოს საავტომობილო სექტორში პროფესიულ უნარებზე ხელმისაწვდომობის ხელშეწყობა, დაფინანსებული SSF-ის მიერ (150,000 ევრო).

კომპანიის საკონტაქტო ინფორმაცია

თამთა ახალკაცი IR@tegetamotors.ge

+995 32 224 44 44

<https://tegeta.ge/>

თბილისი, 0131, დ.აღმაშენებლის ხეივანი 12კმ N5

გარდაქმნის ეფექტი

დეტალური ინფორმაციის გაცნობა EBRD-ის გარდაქმნის ეფექტის გაზომვასთან დაკავშირებულ მიდგომაზე შესაძლებელია [აქ](#).

ბიზნეს შესაძლებლობები

ბიზნეს შესაძლებლობებისა და შესყიდვების თაობაზე დაუკავშირდით კლიენტ კომპანიას.

EBRD-თან ბიზნეს შესაძლებლობებთან დაკავშირებული ინფორმაციის მისაღებად (რაც არ უკავშირდება შესყიდვებს) დაუკავშირდით:

ტელ: +44 20 7338 7168

ელ. ფოსტა: projectenquiries@ebrd.com

სახელმწიფო სექტორის პროექტებზე ინფორმაციისთვის ეწვიეთ [EBRD Procurement](#).

ტელ.: +44 20 7338 6794

ელ. ფოსტა: procurement@ebrd.com

ზოგადი საკითხები

კონკრეტულ საკითხებთან დაკავშირებით ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის საშუალებით](#).

გარემოს დაცვისა და სოციალური საკითხების პოლიტიკა (ESP)

[ESP](#)-ითა და შესაბამისი შესრულების მოთხოვნებით (PR-ები) განსაზღვრულია EBRD-ის მიერ „გარემოს დაცვისა და მდგრადი განვითარების“ მიდგომის განხორციელების გზები. ESP და PR-ები მოიცავს კონკრეტულ დებულებებს, რომ კლიენტებმა დაიცვან ეროვნული კანონმდებლობის შესაბამისი მოთხოვნები საჯარო ინფორმაციისა და კონსულტაციების შესახებ, ასევე, შექმნან საჩივრების მექანიზმი დაინტერესებული მხარეების მხრიდან საკითხის წამოჭრის, საჩივრების მიღებისა და მართვის მიზნით, უფრო კონკრეტულად, კლიენტისა და პროექტის გარემოს დაცვისა და სოციალურ საქმიანობასთან დაკავშირებით. პროექტის ეკოლოგიური და სოციალური რისკებისა და ზემოქმედების ბუნებისა და მასშტაბის შესაბამისად, EBRD დამატებით მოითხოვს კლიენტებისაგან, რომ მათ, საჭიროებისამებრ, გააზიარონ ინფორმაცია პროექტების შედეგად წარმოქმნილი რისკების და ზემოქმედების შესახებ, ან ჩაატარონ არსებითი კონსულტაციები დაინტერესებულ მხარეებთან და განიხილონ და რეაგირება მოახდინონ მიღებულ უკუგებაზე.

დეტალური ინფორმაცია EBRD-ის საქმიანობასთან დაკავშირებით მოცემულია [ESP](#)-ში.

ერთიანი მიდგომა და სტანდარტების დაცვა

EBRD-ის მთავარი შესაბამისობის ოფიცის ოფისი (OCCO) ხელს უწყობს კარგ მმართველობას და უზრუნველყოფს ბანკის საქმიანობის პროცესში უმაღლესი სტანდარტების შესრულებას საუკეთესო საერთაშორისო გამოცდილების გათვალისწინებით. ბანკის ყველა კლიენტის შემთხვევაში ტარდება კომპლექსური ტექნიკური კვლევა იმისათვის, რომ პროექტებმა არ შექმნან პრინციპების დარღვევის, ან რეპუტაციის შელახვის რისკი ბანკისათვის. ბანკი თვლის, რომ პრობლემების იდენტიფიცირება და მოგვარება პროექტის შეფასების ეტაპზე, ყველაზე

ეფექტური საშუალებაა საბანკო ტრანზაქციების მთლიანობის უზრუნველსაყოფად. OCCO გადამწყვეტ როლს ასრულებს დამცავი ზომების გატარების პროცესში და ასევე, ხელს უწყობს პროექტებში ინვესტიციების განხორციელების შემდგომი რისკების მონიტორინგს.

OCCO ასევე პასუხისმგებელია თაღლითობის, კორუფციის და არასათანადო ქცევის შემთხვევების გამოძიებაზე EBRD-ის მიერ დაფინანსებულ პროექტებში. ნებისმიერმა ადამიანმა, ბანკის შიგნით თუ მის გარეთ, რომელსაც გაუჩდება ეჭვი თაღლითობასთან ან კორუფციასთან დაკავშირებით, წერილობითი ანგარიში უნდა გაუგზავნოს მთავარ შესაბამისობის ოფიცერს ელექტრონულ მისამართზე compliance@ebrd.com. თითოეულ ასეთ შემთხვევაში, OCCO დაიწყებს მოკვლევას. მოხდება თითოეული ანგარიშის, მათ შორის ანონიმურის, განხილვა. ანგარიში შეიძლება დაიწეროს ბანკის რომელიმე სამუშაო ენაზე, ან იმ ქვეყნის ენაზე, სადაც ბანკი საქმიანობს. ბანკისათვის ინფორმაციის მიწოდება უნდა მოხდეს კეთილსინდისიერად.

ინფორმაციაზე წვდომის პოლიტიკა (AIP)

ინფორმაციაზე წვდომის პოლიტიკის დოკუმენტით, რომელიც ძალაში შევიდა 2020 წლის 1 იანვარს, განსაზღვრულია EBRD-ის მიერ ინფორმაციის გაზიარებისა და დაინტერესებულ მხარეებთან კონსულტაციის წარმოების გზები, ცნობიერების ამაღლებისა და ბანკის სტრატეგიის, პოლიტიკისა და ოპერაციების უკეთ გააზრების ხელშეწყობის მიზნით. EBRD-ის ვებგვერდზე ხელმისაწვდომი ინფორმაციის სანახავად, გთხოვთ, ეწვიოთ [ინფორმაციაზე წვდომის პოლიტიკის გვერდს](#). _

კონკრეტული ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის გამოყენებით](#).

პროექტის ანგარიშვალდებულების დამოუკიდებელი მექანიზმი (IPAM)

თუ კლიენტთან, ან ბანკთან, გარემოს დაცვის, სოციალური ან საჯაროობის პრობლემების მოგვარების მცდელობა წარუმატებელია (მაგ., კლიენტის მიერ პროექტის დონის საჩივრების მექანიზმის საშუალებით, ან ბანკის მენეჯმენტთან უშუალო კომუნიკაციის გზით), ინდივიდებსა და ორგანიზაციებს შეუძლიათ მიმართონ EBRD-ის პროექტის ანგარიშვალდებულების დამოუკიდებელ მექანიზმს (IPAM).

IPAM დამოუკიდებელად განიხილავს პროექტის ირგვლივ წამოჭრილ იმ საკითხებს, რომლებმაც გამოიწვიეს, ან შესაძლოა, გამოიწვიონ ზიანი. მექანიზმის მიზანია - პროექტის დაინტერესებულ მხარეებს შორის დიალოგის ხელშეწყობა გარემოს დაცვის, სოციალური და საჯაროობის საკითხების გადასაჭრელად; ასევე, იმის დადგენა, არის თუ არა ბანკი

შესაბამისობაში გარემოს დაცვით და სოციალური პოლიტიკისა და ინფორმაციის ხელმისაწვდომობის პოლიტიკის კონკრეტულ პროექტთან დაკავშირებულ დებულებებთან; და სადაც ეს რელევანტურია, აღნიშნულ პოლიტიკის დოკუმენტებთან ნებისმიერი შეუსაბამობის აღმოფხვრა და ბანკის მიერ მომავალი შეუსაბამობის თავიდან აცილება.

გთხოვთ, ეწვიოთ პროექტის ანგარიშვალდებულების დამოუკიდებელი მექანიზმის ვებგვერდს, IPAM-ისა და მის მანდატის შესახებ მეტი ინფორმაციის მისაღებად, ასევე, იმის დასადგენად, თუ როგორ უნდა წარადგინოთ მოთხოვნა განსახილველად; ან დაუკავშიროთ IPAM-ს ელ.ფოსტით ipam@ebrd.com, რომ მიიღოთ ინსტრუქცია და ინფორმაცია IPAM-ისა და მოთხოვნის გაგზავნის შესახებ.